




Nuuk den 28. maj - 2018

SULEQATIGIISSTISUT
SAMARBEJDSPARTIET

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

- 1. Naalakkersuisut Tasiilami meeqqat inuusuttullu atugaat erloqinarluinnartut qaangerniarlugit suliniutit suut aallartinnikuuaat?**
- 2. Naalakkersuisut nuna tamakkerlugu meeqqat inuusuttullu sumiginnagaasut, kinguaassiutitigut kanngutsaattuliorfigineqarsimasut, angerlarsimaffimmik persuttaannermik atornerluinermillu eqqorneqarsimasut ikiorniarlugit suliniutit suut aallartinnikuuaat?**
- 3. Naalakkersuisut Kommuneqarfik Sermersooq sutigut tigussaasumik suleqatigivaat suliat meeqqanut tunngasut suliarineqarsimanngitsut ikilisinneqarnissaa pillugu?**
- 4. Naalakkersuisut nunami maani kommunit sullisisussanik piginnaaneqarluartunik pissarsinissaannut qanoq ikiorniarpaat aamma meeqqanut inuusuttunullu tunngasunik sulianut kommunini malitseqartitsisarnissaq eqqarsaatigalugu?**
- 5. Ukiut qassit ingerlaqqaarnissaat naatsorsuutigineqarpa sullissinerup akuerineqarsinnaasumik sivisussuseqalernissaata tungaanut?**
- 6. Naalakkersuisut suliniutinik sunik aallartitsinikuuppat sullisisunik pikkorissunik amingaateqarnerujussuaq iluarsiiviginiarlugu aamma nunami maani arlaannaannulluunniit attuumassuteqanngitsunik sullisisisoqalernissaa iluarsiiviginiarlugu?**
- Tassunga ilanngullugu; Naalakkersuisut isumaat naapertorlugu piffissaq qanoq sivisutigisoq ingerlaqqaassava, meeqqanut inuusuttunullu suliat tunngasut piffissap naammaginartup iluani suliarineqartalissappata sualummik suliani meeqqap ineriartornera ulorianartorsiortinneqartillugu - inuttut, timikkut aamma tarnikkut?
- 7. Naalakkersuisut suliniutinik malitseqartitsiniarlutik sunik aallartitsinissartik naatsorsuutigaat aamma innuttaasut qanoq sivisutigisumik utaqeqqaassappat taakku**



aallartinneqarnissaannut aamma kissaatigineqartutut sunniuteqalernissaannut?

SULEQATIGIISSEKUT
SAMARBEJDSPARTIET

8. Naalakkersuisut pilersaarutiginerlugu nunarsuarmi inuiaqatigiinnit ikiorneqarnissartik imaluunniit Naalagaaffeqatigiinnit - arlaatigut - meeqqanut inuuusuttunullu navianartorsiortunut suliat eqqarsaatigalugit, aamma meeqqat inuuusuttullu kaattut, persuttarneqartartut, isumassorneqanngitsut, sumiginnarneqartartut, angerlarsimaffimmilu atornerlunneqartartut taamatullu kinguaassiutitigut kanngutsaattuliorfigineqarsimasut eqqarsaatigalugit imaluunniit qulaani taaneqartutut atugaqalersinnaasut eqqarsaatigalugit?

- Taamaassimappat qanoq ilisilimmik? Tamanna sukumiisumik tunngavilersoqquneqarpoq.

9. Naalakkersuisut sunik pilersaaruteqarpal Naalagaaffiit Peqatigiit Meeqqanut isumaqatigiissutaata malinneqarnissaanut aamma tassaniittut anguniakkat angujumalugit?

10. Suut nakkutilliinerit ullumikkut atuuppat qularnaarumallugu naapertuilluartumik sullissinissaq aamma ileqqorissaarnerup tamatuma malinneqarnissaa qularnaarumallugu?

11. Suut nakkutilliinerit ullumikkut atuuppat qularnaarumallugu sullissinerup sukkasuumik pitsasumillu pisarnissaa aamma sullitat inatsisitigut isumannaatsumik pineqarnissaat pisinnaatitaaffiilu unioqqutinnagit?


12. Sullissinermut ikiortit, inunniq isumaginninnermut siunnersortit ikiortaat taamatullu sullissisut sullissinermi pissuserissaarnissamut ilinniartinneqartarpal?

- Taamaassimappat suut malittarisassat pillugit?

(Inatsisartuni ilaasortaq Tillie Martinussen, Suleqatigiissitsisut)

Tunngavilersuut:

Tasiilami sullissineq pillugu tusagassiutini allaaserisat arlallit takoqqammerpagut kisianni nalunngilarput ajornartorsiutit nunatsinni sumiluunniit atuuttartut. Ajornartorsiutit ilungersunartorsuupput meeqqat inuuusuttullu ineriarnerannik, toqqissisimasumik inuunissaannut, isumassorneqarnissaannut, nerisassaqarnissaannut, ikiorneqarnissaannut, toqqissisimallutik inuunissaannut, malersorneqaratik inuunissaannut aamma toqqissisimasumik avatangiiseqarlutik



perioriartornissaannut ulorinartorsiortitsisut.

SULEQATIGIISSEK
SAMARBEJDSPARTIET

Sullisisut ikiortinngorniat arlallit ilinniartinneqartarpuit, kisianni taakku piginnaasaat kiisalu amerlassusaat naammaqqajanngillat, kommunimi ilisimasaqassutsip sulisussaaleqinerullu qaangernissaannut, taamaattumik sullisisut sinnerinut piumasaqaatit sakkortunerusariaqartarpuit.

Aamma isornartorsiorneqarpoq sullisisut ataasiakkaat atii taaneqanngitsut sullissinermi ileqqorissaarnissamut, ileqqorissaarnissamut malittarisassanik aamma sullissinermi sullitanut qanippallaannginnissamut tunngavinnik unioqqutitsisimasinnaanerat, taamaattumik pingaaruteqarpoq erseqqissassallugu nunami maani ingerlatsivinni ileqqorissaarnissamut tunngaviit suut atorlugit sullisisarnersut aamma sullisisut ikiortaat ilumut pineqartut pillugit naammattumik qaammarsarneqarsimanersut.

Aamma soqtiginarpoq tusassallugu nunami maani meeqqat inuuusuttullu taamatullu navianartorsiortut qanoq sivisutigisumik Namminersorlutik Oqartussat kommunillu innuttaasunik ikiunissaat utaqqisassaneraat immikkut sualummik meeqqat inuuusuttullu ikiorneqarnissaat.

Apeqqutit akeqqakka ullut suliffiit naliginnaasut qulit iluanni.

Tillie Martinussen

Samarbejdspartiet - Suleqatigiissitsisut